

INUIT ATAQATIGIIT INATSIARTUNI



UKA2022/127

12.10.2022

Harald Bianco

Umiartorneq pillugu inatsimmik allannguinerit pillugit inatsisit aamma pap-pialanik nalilinnik atortussaajunnaarsitsinermut inatsisip Kalaallit Nunaannut atuutilersinnerinut peqqussummut allannguutitut Namminersorlutik Oqartus-sat akuersinissaat pillugu Inatsisartut aalajangiiffigisassaattut siunnersuut.

(Ineqarnermut Attaveqaasersuutinullu Naalakkersuisoq)

Ukiuni makkunani Kunngeqarfiup ataani inatsisit peqqussutillu nunatsinnut naleqqus-sarlugit allanngortiterlugillu annertuumik Inatsisartutigit ingerlappavut, maannalu qulequttami pineqartoq tamakku ilagiinnarpaat.

Ullutsinni suut tamarmik digitaliseererneqarnerisa nalaani inatsisini allannguilaarnerit ilaatigut aamma kunngip peqqussutaasa allanngulaarnerisigut maanna ataavartumik nunatsinnut naleqqussaanerit suliatsinni ilaginnarput. Maanna pineqartumi umiarsuit nalunaarsorsimaffiini digitaliseeriineq pineqarnerulluni, kiisalu umiarsuit nunatsinnut angerlarsimaffeqartutut nalunaarsorsimanissaasa iluaqutaasussamik atuutilersinneqar-nissaat pineqarluni. Digitaliseeriinerup kinguneraa pappialanik nalilinnik atortussaajunnaarsitsineq.

INUIT ATAQATIGIIT INATSIARTUNI



Taamatut naatsumik Inuit Ataqatigiinniit oqaaseqarluta, peqqussummik allannortitsi-nissaq tamakkiisumik taperserparput. Taamaalillugulu aappassaaneernissaanut pinga-jussaaneernissaanullu ingerlateqqilugu.